

OPĆINA CENTAR

Općinski načelnik

Na osnovu člana 46. Zakona o prostornom uređenju ("Službene novine Kantona Sarajevo", broj 7/05) i člana 25. Statuta Općine Centar Sarajevo-Prečišćeni tekst ("Službene novine Kantona Sarajevo", broj 23/04), općinski načelnik je 28. septembra 2011. godine, verifikovao i donio

ODLUKU

O KOREKCIJI REGULACIONOG PLANA "JAGOMIR I" (UL. NAHOREVSKA - TRAFOSTANICA)

Član 1.

Usvaja se Korekcija Regulacionog plana "Jagomir I" ("Službene novine Kantona", broj 20/09), u daljem tekstu: Korekcija Plana.

Član 2.

Korekcijom Plana mijenja se planirana trafostanica TS-1 10(20)/0.4 kV nazivne snage 2x630 kVA i planira lokacija nove transformatorske jedinice 1x630 kVA (TS Nahorevska 5; br. 3436; 1x630 kVA).

Cilj Korekcije je adekvatno lociranje nove trafostanice radi ostvarivanja racionalnijeg napajanja električnom energijom kompleksa stambeno-poslovnih objekata u naselju Jagomir, ne narušavajući planirani energetska bilans na ovom lokalitetu.

Član 3.

Korekcija Plana sastoji se iz tekstualnog dijela i grafičkih priloga: Izvod iz Regulacionog plana "Jagomir I", M-l :2500; Korekcija Plana - Urbanističko rješenje, M-l: 1000; Korekcija Plana-Faza elektroenergetike, M- 1:1000;

Tekstualni dio i grafički prilozi Korekcije Plana, su sastavni dio Regulacionog plana "Jagomir I" ("Službene novine Kantona", broj 20/09).

Član 4.

Korekcija Plana je rađena za fazu urbanizma i fazu elektroenergetike, a obaveza investitora je da za faze komunalne infrastrukture i saobraćaja, izvrši usaglašavanje Korekcije Plana sa Idejnim rješenjima koji su sastavni dio Regulacionog plana "Jagomir I", te da pribavi saglasnost nadležnih javnih komunalnih preduzeća.

Član 5.

Po jedan primjerak ovjerene Korekcije Plana (tekstualni i grafički dio) nalazi se na stalnom javnom uvidu i čuva se u Službi dokumentacije Općine Centar Sarajevo, Zavoda za planiranje razvoja Kantona Sarajevo, Gradske uprave Grada Sarajeva i Ministarstvu prostornog uređenja i zaštite okoliša Kantona Sarajevo.

Član 6.

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Broj 07-23-7103/10
28. septembra 2011. godine
Sarajevo

Općinski načelnik
Dževad Bećirević, s. r.

Napomena: Objavljeno na oglasnoj ploči Općine 28. 9. 2011. godine.

Na osnovu člana 46. Zakona o prostornom uređenju ("Službene novine Kantona Sarajevo", broj 7/05) i člana 25. Statuta Općine Centar Sarajevo-Prečišćeni tekst ("Službene novine Kantona Sarajevo", broj 23/04), općinski načelnik, 21. septembra 2011. godine, verifikovao je i donio

ODLUKU

O KOREKCIJI IZMJENE I DOPUNE REGULACIONOG PLANA POSLOVNE ZONE "ŠIP"

Član 1.

Utvrđuje se korekcija Izmjene i dopune Regulacionog plana poslovne zone "Šip" ("Službene novine Kantona Sarajevo", broj 2/07), u daljem tekstu: korekcija Plana.

Član 2.

Korekcijom Plana utvrđuje se, na građevinskim parcelama k.č. 655/1 i 653/3 K.O. Sarajevo VI, (planirane parcele br. K 86 i K 87), gradnja stambeno-poslovnih objekata spratnosti od Po+S+P do Po+S+P+4, maksimalne BGP 3940 m². Objekte je potrebno graditi u svemu prema prikazanom grafičkom prilogu i idejnom projektu dostavljenom u Službu za upravu za prostorno uređenje i komunalne poslove dana 19.01.2011. godine, a koji je prosljeđen na mišljenje Zavodu za planiranje dopisom broj 07-23-6345/9 od 14.02.2011. godine.

Član 3.

Korekcija Plana sastoji se iz tekstualnog dijela i grafičkih priloga sa prikazanim parcelama i objektima koji su predmet korekcije.

Tekstualni dio i grafički prilog korekcije Plana su sastavni dio Izmjene i dopune Regulacionog plana Poslovne zone "Šip" ("Službene novine Kantona Sarajevo", broj 2/07).

Član 4.

Korekcija Plana je rađena za faze urbanizma, a obaveza investitora je da za faze komunalne infrastrukture izvrši usaglašavanje Korekcije Plana sa Idejnim rješenjima, koja su sastavni dio Izmjene i dopune Regulacionog plana Poslovne zone "Šip" te pribavi saglasnosti nadležnih javnih komunalnih preduzeća.

Član 5.

Po jedan primjerak ovjerene korekcije Plana (tekstualni i grafički dio) nalazi se na stalnom javnom uvidu i čuva se u Službi dokumentacije Općine Centar Sarajevo, Zavoda za planiranje razvoja Kantona Sarajevo, Gradske uprave Grada Sarajeva i Ministarstva prostornog uređenja i zaštite okoliša Kantona Sarajevo.

Član 6.

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Broj 07-23-6354/09
21. septembra 2011. godine
Sarajevo

Općinski načelnik
Dževad Bećirević, s. r.

Napomena: Ogllašeno na oglasnoj ploči Općine 21. 9. 2011. godine

OPĆINA STARI GRAD

Općinski načelnik

Na osnovu člana 34. Zakona o budžetima u Federaciji Bosne i Hercegovine ("Službene novine Federacije BiH", broj 19/06) i u

skladu sa članom 21. Odluke o izvršenju budžeta Općine Stari Grad za 2011. godinu ("Službene novine Kantona Sarajevo" broj 01/11), Načelnik Općine Stari Grad Sarajevo donosi